



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Praxis Episcopalis

In Qva Episcoporum Non Tantvm, Eorumqve Vicariorum munus; sed  
Parochorum etiam & conscientiarum directorium concernentium casuum  
ac dubiorum indies occurrentium Resolvtiones ... quàm brevissimè  
continentur

**Zerola, Tommaso**

**Coloniae Agrippinae, 1680**

Archiepiscopus Vel Metropolitanvs.

**urn:nbn:de:hbz:466:1-10447**

## ARCHIDIACONUS.

**P**rimò, ad Archidiaconum spectat examinatio clericorum, & praeficiendorum, & ordinare processiones, Host. in sum. tit. de offic. Archid. §. & quod sit eius officium, ver. quadam verò, num. 4. & tit. de sent. §. quos, num. 4. nec obstat, quòd Conc. Trid. jubeat singulis annis in dioecesana Synodo eligi debere examinatores pro examinandis provis de aliquo beneficio, vel de promovendis ad ordines ecclesiasticos, nam propter hoc non excluditur Archidiaconus, cui competit hoc de jure communi, & à jure antiquo non est recedendum, nisi quatenus, &c. sess. 27. cap. 18. de resor. & examinatores illi electi intelliguntur simul cum Archidiacono, cui de jure illud competit cumulativè.

Secundò, Archidiacono, vel quovis alio in dignitate posito, incidente in aliquam amentiam, vel morbum, quo redditur inhabilis ad obeunda munia sibi attinentia, non vacat ejus dignitas vel officium, seu beneficium, nec potest privari illo, sed dandus est ei coadjutor, Navar. conf. 1. de cler. agrot.

## AGNUS DEI.

**A**gnus Dei benedicti à Papa, non possunt depingi, neque miniari, aut venales proponi, Greg. XIII. Bull. 2. quæ incipit, *Omni certè*, sub pœna excommunicationis incurrendæ.

## APOSTATA.

**A**postata non est Monachus, vel Religiosus, qui transit absque li-

centia habita, nec petita ad aliam religionem laxiorem. Imol. in c. intelleximus, de etat. & qualitat. in fi. Cap. Tol. q. 16. hodie secus per Bull. Paul. IV. de qua, &c. vide in feriis, in ver. Monac. §. 6. vide Azon. in sum. lib. 1. rub. de Apost.

## ARCHIEPISCOPUS VEL METROPOLITANUS.

**P**rimò, Archiepiscopus, seu Metropolitanus incidit in pœnas sui Suffraganei, si ibi delinquit in territorio ipsius Suffraganei, Host. in sum. tit. de sent. excommun. §. quis valeat, num. 9. & dixi in versi. excommunicatio, de causa materiali, §. ad quintum, vers. hinc oriuntur; nec potest vocari Archiepiscopus, antequam habeat pallium, ad quod impetrandum, vel requiritur præsentia electi, vel mandatum speciale, sive persona deputata ad hunc effectum, & quid significet hoc pallium, & quando, & ubi eo uti possit, & quòd non posset alter Archiepisc. illud alteri commodare, & quòd Archiepisc. si plures haberet Archiepiscopatus, plura eum oporteret à Sede Apostolica, vel à corpore divi Petri pallia impetrare, & cum moritur, cum illis omnibus sepeliri, vide pro his omnibus, c. nisi, & ibi gl. in ver. nominis, c. 1. c. ex tuarum, cum simil. de auct. & usu pallij, vide Host. in sum. eodem tit. Syl. in verbo, Pallium. Præterea nonnulli faciunt differentiam inter Archiepisc. & Metropolitanum, ex eo quòd omnis Metropolitanus est Archiepiscopus, sed non è contra, quia Metropolitanus dicitur Archiepiscopus

pus habens provinciam, id est, Episcopos, Suffraganeos; Archiepiscopus vero, qui illam, vel illos non habent, non potest nuncupari Metropolitanus, sed solum Archiepiscopus, facit c. 21. 1. dist. post initium, ubi aliter Archiepiscopum, aliter Metropolitanum nominat: facit c. factore, 6. q. 3. Gem. in c. fin: vers. glossa secunda, de offi. ordin. lib. 6.

Secundo, Archiepiscopus est Judex ordinarius Saffraganei, Gemin. in c. 1. de offi. vic. lib. 6.

Tertio, Archiepiscopus potest ponere edictum per totam provinciam, quando esset casus suæ jurisdictioni competens, idem in c. 1. notab. 1. de suppl. negl. pralat. l. 6. vide Marinum Frezzam in tract. sub feudis, ubi etiam potest habere, quot Episcopatus, & Archiepiscopatus habeat Rex Neapolis, in Regno Neapolitano, & quot summus Pontifex.

#### ASSISTENTES IN CAPELLA PAPÆ.

Assistentes Patriarchæ, Archiepiscopi, & Episcopi in Capella Romano Pontifici, quænam habeant privilegia, & exemptiones: vide Jul. III. Bull. 14. quæ incipit, Romanus pontifex, & audivi inter alia, quod possint testari causa mortis, usque ad summam duorum milium ducatorum.

#### ARS NOTORIA.

Ars notoria dicitur illa, qua omnia quasi fiunt nota, & fit qui-

busdam observantiis, orationibus, & aliis rebus prohibitis, & est superstitiosa, & prohibita, quia ea media putant quidam posse scire omnia, licet apparenter aliquando virtute dæmonum aliqui vili sint ea scire media hac arte, sed falso, Barthol. Sybil. spec. per. qq. 9. 13. c. 11. 3. dec.

Secundo, Artis notoriæ libri omnes sunt prohibiti per indicem impressum Romæ anno 1596. in litera N, incertorum auctorum libri prohibiti.

#### Æ T A S.

Primò, quæritur, quomodo probatur ætas? Respondetur primò, quod potest per librum Baptismi Ecclesiæ parochialis, qui bene conservatur in dicta parochia: secundo, ex testificatione patris cum juramento, sicut etiam filiatio probatur ex scriptura, & annotatione patris, Dec. in capit. cum causam, colum. 3. ver. quarto fallit, de probat. Caputaquens. decisio 314. 1. p. vide in ver. matrimonium, dub. 14: licet Speculator in tit. detest. §: 1. ver. generaliter, & Alex. conf. 190. columna secunda, notab. 14. lib. 6. dicant patrum non posse testificari super consanguinitate nepotis, Caputaqu. decisione 279 parte tertia, sed potest intelligi in præjudicium tertii, vel quando exciperetur, vel in re gravis momenti, idem Navarr: consilio octavo de temp. ord. ubi dicit sufficere filio credere parentibus de legitima ætate asserentibus.

Secun-